



ხაშურის მთაშენი



№4

23 ივნისი, სამშაბათი, 2015 წელი

ოლიმპიური ჩირაღდანი ხაშურში



დათვლილი დღეებია დარჩა ახალგაზრდულ ოლიმპიადამდე, რომელიც ჩვენი ქვეყნის დედაქალაქში უნდა გაიმართოს. ოლიმპიური ცეცხლი კი, რომელიც, ტრადიციულად, საბერძნეთში იხთება, უკვე საქართველოშია და ქვეყნის სხვადასხვა ქალაქებში „მოგზაურობს“. 17 ივნისს, ოლიმპიური ჩირაღდნის მასპინძელი ხაშური გახდა. ჩირაღდნის შესახვედრად და ზემისათვის დიდი შრომა გასწია გამგეობის კულტურის, სპორტისა და ახალგაზრდულ საქმეთა სამსახურმა, მაგრამ, თბილისში დატრიალებული ტრავადიის გამო, პროგრამა შეიცვალა და იგი, ასე ვთქვათ, „მოკრძალებული“ გახდა.

ხაშურის ცენტრალური ქუჩის დასაწყისში ჩირაღდანი რაიონის ყველაზე ტიტულოვანმა სპორტსმენმა, მონრეალის ოლიმპიადის ვერცხლის პრიზიორმა რამაზ ხარშილაძემ ჩაიბარა და ესტაფეტა ქალაქის ცენტრისკენ დაიძრა. ესტაფეტაში კი მას ენაცვლებოდნენ ცნობილი ვებერანი რაგბისტი თემურ რუხაძე, მსოფლიო ჩემპიონი ბატუტზე ხტომაში ზაზა აბრამაშვილი, მსოფლიო ჩემპიონი ახალგაზრდებს შორის გიორგი ნოზაძე, მსოფლიოს თასის მფლობელი ძიუდოში და ევროპის პრიზიორი სამბოში ზურაბ ნოზაძე, მსოფლიოს ორგზის პრიზიორი და ოლიმპიური თამაშების ორგზის პრიზიორი ახალგაზრდებს შორის გელა ბარათაშვილი, საქართველოს კალათბურთელთა ნაკრების წევრი მარიამ ღარიშვილი და მსოფლიოსა და ევროპის ორგზის ჩემპიონი ჭაბუკებს შორის ჭიდაობა სამბოში გიორგი მეტრეველი.



ქალაქის ცენტრში შეკრებილი მრავალრიცხოვანი აუდიტორია ოცავიებით შეეგება ოლიმპიურ ჩირაღდანს. მუნიციპალიტეტის საკრებულოს თავმჯდომარემ ვაჟა შუბითიძემ ყველას მიულოცა ეს დღე და აღნიშნა, თუ რა მნიშვნელოვანია ამ ჩირაღდნის საქართველოში ყოფნა, რომელიც, ერთგვარად, მშვიდობის, ერთობის, თანადგომის, ხალხთა მეგობრობის თავისებური სიმბოლოა და მსოფლიოს ყველა ეროვნების ხალხს აერთიანებს.

მაშ, ასე, მსოფლიოს იმ ქალაქების რიცხვს, სადაც ოლიმპიურ ჩირაღდანს თუნდაც ერთი დღე დაუდევს ბინა, ხაშურიც შეუერთდა. ეს კი, ჩვენი პატარა ქალაქისათვის მართლაც ბევრს ნიშნავს.

გ. მაღრაძე

შპს „ხაშურის სტამბა“ – შიდა ქართლში პირველი, საქართველოში – მეხუთე

ამ დღეებში, ნაციონალური ბიზნეს-რეიტინგების კავშირში გამოაქვეყნა საქართველოს საწარმოების საყოველთაო-სახელმწიფო რეიტინგები 2013-2014 წლების შედეგების მიხედვით, სადაც, სტატისტიკური რანჟირების მიხედვით, ხაშურში დაარსებული და მოქმედი შეზღუდული პასუხისმგებლობის საზოგადოება „ხაშურის სტამბა“ საქართველოს ტოპ-25 საწარმოს შორის მეხუთე, ხოლო შიდა ქართლში პირველია. ეს საოცრად დიდი წარმატებაა და, რა თქმა უნდა, ვულოცავთ მის დირექტორს ქალბატონ თამარ ჩაღუნელს და მთელ კოლექტივს ამ მიღწევას. ორ



ათეულ წელზე მეტია ეს შპს, რომელიც ღირსეულმა და ბრწყინვალე პიროვნებამ ბატონმა თამაზ ტაბატაძემ დააფუძნა, ემსახურება ხაშურს და ხაშურელებს. შესანიშნავი მენეჯმენტი, კლიენტზე მორგებული მომსახურება, აბსოლუტურად მიმზიდველი ფასები, თბილი გარემო... ყველაფერი ეს ჯამში ქმნის იმას, რაც ასე იზიდავს მომხმარებელს. ერთი საინტერესო დეტალიც: საქართველოში საუკეთესოდ დასახელებულ 25 საწარმოს ხელმძღვანელთა შორის ქალბატონი თამარი ერთადერთი ქალბატონია.

სრული კომპიუტერული მომსახურება, ფერადი ბეჭდვა, გარე და შიდა რეკლამის დიზაინი და დამზადება, მაისურებზე, კეპებზე, ნებისმიერი სახის ჭურჭელზე შეკვეთილი გამოსახულების მიღება, საკანცელარიო ნივთები... აი, ის ძირითადი ჩამონათვალი, რასაც ეს შპს მომხმარებელს სთავაზობს.

სასიამოვნოა, ძალზე სასიამოვნოა, რომ ხაშურში მოქმედი მცირე საწარმო საქართველოს მასშტაბით ერთ-ერთი საუკეთესოა, შიდა ქართლში კი ლიდერობს.

კიდევ ერთხელ ვულოცავთ ამ შპს-ს მთელ კოლექტივს ამ დამსახურებულ წარმატებას.

გ. მაღრაძე

ხაშურის მუნიციპალიტეტის გამგეობა, ხაშურის მუნიციპალიტეტის საკრებულო დრმა მწუხარებით იუწყებიან, რომ გარდაიცვალა ხაშურის მუნიციპალიტეტის ყოფილი გამგებელი

რევაზ ჯობაძე

და თანაუგრძობენ განსვენებულის ოჯახს.

რაიონის მაჟორიტარი დეპუტატი ვალერი გელაშვილი იუწყება, რომ გარდაიცვალა ხაშურის მუნიციპალიტეტის ყოფილი გამგებელი

რევაზ ჯობაძე

და სამძიმარს უცხადებს განსვენებულის ოჯახს.

სპეციალისტი გვიჩვენებს

კარტოფილის მოყვანის ტექნოლოგია

კარტოფილი მნიშვნელოვანი სასურსათო, ტექნიკური და საკვები კულტურაა. მოსახლეობის კვების ბალანსში მას მეორე ადგილი უჭირავს პურეულის შემდეგ.

კარტოფილი მიეკუთვნება ძაღლყურძენისებრთა ოჯახს და წარმოადგენს ორლებნიან, თვითმტვერი ბალახოვან მცენარეს.

კარტოფილის სამშობლოდ ითვლება სამხრეთი ამერიკა. ევროპაში ესპანელებმა შემოიტანეს მე-16 საუკუნეში.

კარტოფილის პირველი ნათესები საქართველოში მე-19 საუკუნის მეორე ათწლეულში გაჩნდა.



ეს კულტურა, ძირითადად, აღმოსავლეთ საქართველოს მთიან რაიონებში მოჰყავთ; გარეშე პირობების მიმართ შეგუების დიდი უნარის გამო, კარტოფილის გავრცელების არეალი საკმაოდ ფართოა, მაგრამ მცენარე ყველგან ერთნაირად ვერ ხარობს.

მიუხედავად იმისა, რომ ხაშურის მუნიციპალიტეტისათვის კარტოფილი არატრადიციული კულტურაა, ფერმერები რამდენიმე წელიწადია ამ მცენარის უხვ მოსავალს იღებენ სოფელ ვაყაში და სხვა სოფლებშიც.

კარტოფილის კულტურიდან ჩვენთვის მთავარია ტუბერი. მცენარის ნორმალური განვითარებისათვის საჭიროა გრილი და ნალექებით უზრუნველყოფილი ჰავა. დაბლობ და ცხელ ადგილებში კარტოფილის მოსავალი მცირეა.

ტუბერები გალივებას იწყებს 4 - 5 გრადუსი სითბოს პირობებში, მაგრამ მისი ნორმალური აღმოცენებისათვის საჭიროა +10 - 12 გრადუსი. მცენარე ვერ იტანს მცირე ყინვასაც კი.

ტუბერის განვითარებისათვის საუკეთესო ტემპერატურაა 16 - 18 გრადუსი სითბო ნიადაგში. 2 გრადუსი სითბოს პირობებში მცენარე აჩერებს ზრდას, ხოლო 25 გრადუსზე ზევით მცენარე განიცდის გადაგვარებას.

ნიადაგის 29 გრადუსზე გათბობის დროს ტუბერის განვითარება წყდება. კარტოფილი დიდ მოთხოვნილებას იჩენს სინათლის მიმართაც, იგი ვერ იტანს დაჩრდილულ ადგილებში დარგვას.

კარტოფილის ტუბერი ნორმალური განვითარებისთვის საჭიროებს ფხვიერ და ნოყიერ ნიადაგს, საუკეთესო ნიადაგებად ითვლება ქვიშნარი და თიხნარი მიწები, ახლები და ნეშომპალით მდიდარი ტყის ნიადაგები; კარტოფილის კარგი მოსავალი მოჰყავთ მთის შავმიწა, ყავისფერ, აგრეთვე, ჩვეულებრივ ალუვიურ ნიადაგებზე.

კარტოფილისათვის ნიადაგის არეს რეაქციის ოპტიმალური მანქნებელია PH 5 - 7

კომერციული მიზნებისათვის მუნიციპალიტეტში გავრცელებულია კარტოფილის შემდეგი ჯიშები: მარფონა, იმპალა, პიკასო, ნეესკი, აგრია, ჯელი, სილვანა და ა.შ. ისინი ვეგეტაციის სხვადასხვა ხანგრძლივობით ხასიათდებიან.

კარტოფილის მაღალი მოსავლის მისაღებად უპირველესი მოთხოვნაა თესვების დაცვა; 3 - 4 წელზე ადრე კარტოფილის პირვანდელ ადგილზე დაბრუნება დაუშვებელია. არ შეიძლება კარტოფილის დარგვა იმ ნაკვეთში, სადაც წინა წელს მოყვანილი იყო პომიდორი, ბადრიჯანი, წიწკა. კარტოფილისათვის კარგი წინამორბედებია საგაზაფხულო თავთავიანი პურეული, სიმინდი, ერთწლოვანი პარკოსანი ბალახები.

ტუბერი სახნავ ფენაში იზრდება და ვითარდება, ამიტომ კარტოფილისათვის ნიადაგი საჭიროებს კარგ დამუშავებას. ნიადაგი უნდა მოიხნას შემოდგომით „მზრალად“ 25 - 27 სანტიმეტრ სიღრმეზე; გაზაფხულზე, როგორც კი თოვლი გადნება და შესრება ნიადაგის ზედაპირი, აწარმოებენ ხნულის დაფარვას.



საკარტოფილე ნაკვეთის სასუქებით განოყიერება უნდა ჩატარდეს ნიადაგის აგროქიმიური ანალიზის მონაცემების მიხედვით; თუ ეს არ გაგვაჩნია, მიზანშეწონილია 1 ჰექტარზე შევიტანოთ 20 - 40 ტონა გადამწვარი ნაკელი, აგრეთვე, ძირითადი საკვები ელემენტები შევიტანოთ შემდეგი საორიენტაციო მონაცემებით (

სუფთა ნივთიერებაზე გადაანგარიშებით): აზოტი 120 - 150 კგ, ფოსფორი 150 - 160 კგ, კალიუმი 150 - 200 კგ. უნდა გამოვიყენოთ მაგნიუმის, სპილენძის, ბორის, სხვა მიკროელემენტების შემცველი სასუქები.

კარტოფილისათვის საუკეთესო სასუქია ნაცარი, 1 ჰა-ზე 6 - 7 ცენტნერის ნორმით.

კარტოფილი მრავლდება ტუბერებითა და თესლით სარგავ მასალად გამოიყენება 60 - 70 გრამიანი საშუალო სიდიდის ტუბერები. სიმსხოსა და კვების არის მიხედვით 1 ჰა-ზე საჭიროა 2.5 - 3 ტონა სარგავი მასალა. დარგვის წინ სათესლე ტუბერები უნდა დამუშავდეს „პრესტიჟით“, 1 ლიტრი პრეპარატი გაისხნება 10 - 15 ლიტრ წყალში და მოსხურდება ერთ ტონა მასალას.

კარტოფილი ირგვება მაშინ, როცა ნიადაგის ტემპერატურა +10 - 12 გრადუსია; დარგვის სიღრმე 10 - 12 სმ.

კარტოფილის დარგვა წარმოებს სპეციალური მანქანებით, გუთნით ან ხელით; კვების არე - 70X70 სმ ან 60X60 სმ ან 75-70X30-25 სმ.

კარგია ტუბერების წინასწარი გალივება.

დარგული კარტოფილის ტუბერი გვიან დივდება და აღმოცენებას იწყებს 22 - 25 დღის შემდეგ, ამიტომაც დიდი მნიშვნელობა აქვს სარეველებთან ბრძოლას. დარგვიდან რამოდენიმე დღეში ნიადაგს ამუშავებენ ჰერბიციდ ზემკორით, 300 - 400 ლიტრ წყალში იხსნება 1 ჰა-ს ნორმა 1 - 1.2 კგ პრეპარატი და მოსხურდება ნიადაგის ზედაპირს. კარტოფილის აღმოცენების შემდეგ, როდესაც კულტურული მცენარე 10 - 15 სანტიმეტრს მიაღწევს, შეგვიძლია, გამოვიყენოთ იგივე პრეპარატი შემცირებული დოზით - 0.5 კგ 1 ჰა-ზე.

სოკოვანი დაავადებების (ფიტოფტოროზი, ალტერნარიოზი და ა.შ.) წინააღმდეგ ბრძოლას ვაწარმოებთ ფუნგიციდებით, მას შემდეგ რაც მცენარის სიმაღლე 10 - 15 სმ მიაღწევს; ნათესების დამუშავება წარმოებს შემდეგი პრეპარატებით: ანტრაკოლი 1.5-2.5 კგ/ჰა ან რაპიდგოლდი 1.5 კგ/ჰა ან მელლოდი დუო 2 - 2.5 კგ/ჰა და ა.შ. წამლობები უნდა ჩავატაროთ პრეპარატების მონაცვლეობით 7 - 8 დღიანი შუალედით და შევწყვიტოთ მოსავლის აღებად 30 დღით ადრე.

კარტოფილის მავნებლების (კარტოფილის ჩრჩილი, ბაღლინჯოები, ბუგრი და ა.შ.) წინააღმდეგ ვეგეტაციის პერიოდში იყენებენ შემდეგ პესტიციდებს: დეცისი ბლუ ან კარატე ზეონი ან არივო- 0.2 ლ/ჰა-ზე, ბი-58 ახალი 1.4 - 1.9 ლ/ჰა-ზე და ა.შ.

კარგ შედეგს იძლევა ფოთლოვანი გამოკვების ჩატარება 2 - 3 ჯერ კომბინირებულად კრისტალონის (700 გრ 100 ლ წყალში), მარკომიქსის (800 გრ 100 ლ წყალში) გამოყენებით.

კარტოფილის ნარგაობის რწყვა ვეგეტაციის პერიოდში უნდა ჩატარდეს 4 - 5 ჯერ, თითო რწყვის ნორმა 500 - 600 კუბ. მეტრი; პირველი რწყვა ფოთლების მასობრივი განვითარების ფაზაში უნდა ჩავატაროთ, მეორე - ბუტონიზაციის პერიოდში, მესამე - ყვავილობისას, დანარჩენი - საჭიროების მიხედვით.

კარტოფილის მოსავალი უნდა ავიღოთ ფოთლების შეხმობიდან 3 - 5 დღის შემდეგ.

მოსავლის აღებას აწარმოებენ მანქანებით, კარტოფილის მოხრელებითა და სპეციალური კარტოფილის ასაღები კომბაინით.

ახლად აღებული კარტოფილი რამდენიმე საათით ნიაგზე უნდა შესრეს, გადაირჩეს და დახარისხდეს; ამის შემდეგ შეიძლება მოსავლის გამოყენება დანიშნულებისამებრ.

კარტოფილის ნორმალური შენახვისათვის კარგია 2 - 3 გრადუსი სითბო და 80 - 85% ჰაერის ტენიანობა; კარტოფილის შესანახი სათავსო უნდა იყოს მშრალი, ბნელი და ვენტილირებადი.

1 ჰა-ზე კარტოფილის მოყვანის დანახარჯები ათი ათას ლარამდე აღწევს, მაღალი მოსავლის მიღების შემთხვევაში მოგება 2 - 3 ჯერ მეტია.

ა. გოგალაძე,
სოფლის მეურნეობის სამინისტროს
ხაშურის მუნიციპალიტეტის საინფორმაციო-საკონსულტაციო
სამსახურის მთავარი სპეციალისტი



ხაშურის სამუზეუმო გაერთიანების გზამკვლევი, ხაშურის ისტორიის კვლადკვალ

ერის ერთ-ერთი ისტორიული ასაკია. ჩვენს პატარა ქვეყანას, ჩვენ მცირე ხალხს, ჯერ კიდევ ანტიკურ ეპოქაში შეუქმნია ის ღირებულებები, დღეს მსოფლიო აღიარება და ყურადღება რომ დაიმსახურა. ზესახელმწიფოები, პატარა ქვეყნების ისტორიებზე დგანან, რომლის ნანგრევებიც უამრავ დამარხულ ფასეულობებს ინახავს, რომელსაც ჯერ კიდევ ბევრი აქვს სათქმელი კაცობრიობის ევოლუციის შესახებ. ჩვენც ერთ-ერთი პატარა ქვეყანა ვართ, ჩვენი დიდი სათქმელი, დიდი ისტორიით. პირველ ევროპელებს, პირველ მედიელებს და ბევრ პირველობას ჩვენი ეროვნული თუ მხარეთმცოდნეობის მუზეუმები სათუთად ინახავენ. ჩვენდა საამაოდ, მათი რიცხვი არც ისე მცირეა-ექსპონატები ისტორიული ღირებულების და უნიკალური, ქართველურ პასუხისმგებლობას რომ ვიათმაგებს ქართველს, ისეთი!



სამარცხვინოდ ჩემდა, და ბევრი ჩემნაირის (თუმცა ქართველობას ვერ დავუწუნებ ჩემ თავს), სხვაგან რომ ვეძებთ სანახაობას, ისტორიულ სიძველეებს თუ მისთანას, ხაშურის მხარეთმცოდნეობის მუზეუმს მრავალჯერ გვერდავლილს (თუმცა სურვილს ვერ დავმალავ), მრავალი ანტიკური ნივთის, ხელოვნების ნიმუშების, არქეოლოგიური კოლექციის და ბევრი სიძველის ნახვის ბედნიერება მომიკლია



საკუთარი თავისთვის. თავი ისევე ისტორიამ შემახსენა. ხელში ახლა ხაშურის სამუზეუმო გაერთიანების გზამკვლევი მიჭირავს, სპეციალურად მისამართდაკარგული ჩემნაირებისათვის. გზამკვლევი გამოცემიდან სულ რამდენიმე თვით არსებობას ითვლის და მასში გაერთიანებულია ხაშურის მხარეთმცოდნეობის მუზეუმის, ქვიშხეთის დიმიტრი ყიფიანის სახლ-მუზეუმის და სურამის ლესია უკრაინკას მუზეუმის შესახებ მასალები და იქ დაცული ექსპონატები. გზამკვლევის გამოცემა დაფინანსდა საქართველოს კულტურისა და ძეგლთა დაცვის სამინისტროს მიერ. რედაქტორები თამაზ ლაცაბიძე და მზია ლობჯანიძე არიან. წიგნზე მუშაობა როულ და ხანგრძლივ პროცესს მოიცავდა, ტექსტის ავტორებთან, ტექსტის მთარგმნელთან და კომპიუტერულ დიზაინერთან ერთად. გზამკვლევი ქართულ-ინგლისურენოვანია, რაც შესაძლებელს ხდის მის ხელმისაწვდომობას სხვა ქვეყნების მოქალაქეთათვისაც. მაღალი დონის პოლიგრაფია, ილუსტრაცია, დიზაინი, აორმაგებს წიგნის მიმართ ინტერესს. გზამკვლევის დასაწყისი, ხაშურის გეოგრაფიული მდებარეობის, სტრატეგიული მნიშვნელობის და დაარსების ისტორიული პირველწყაროების მოკლე ექსკურსით იწყება. მეთხველისათვის

ქართულ-ინგლისურენოვანია, რაც შესაძლებელს ხდის მის ხელმისაწვდომობას სხვა ქვეყნების მოქალაქეთათვისაც. მაღალი დონის პოლიგრაფია, ილუსტრაცია, დიზაინი, აორმაგებს წიგნის მიმართ ინტერესს. გზამკვლევის დასაწყისი, ხაშურის გეოგრაფიული მდებარეობის, სტრატეგიული მნიშვნელობის და დაარსების ისტორიული პირველწყაროების მოკლე ექსკურსით იწყება. მეთხველისათვის

საინტერესოა მუზეუმის დაარსების ისტორია, გამდიდრებული ფოტო მასალებით, რაც ზოგად წარმოდგენას ქმნის, იქ დაცული ექსპონატების მიმართ. შემდეგ ქრონოლოგიურად მიმდინარეობს არქეოლოგიური კოლექციის, ნუმიზმატიკის, ხატების, საეკლესიო ნივთების კოლექციის, ეთნოგრაფიის, ჭედური ხელოვნების ნიმუშების, საბრძოლო ხელოვნების კოლექციის ჩვენება, თანდართული მისი აღმოჩენის ადგილ-მდებარეობით და ექსპონატის ასაკით. აქ ნახავთ ანტიკურ და ქვის ხანის შრომის იარაღებს, სამკაულებს, საყოფაცხოვრებო, საბრძოლო თუ სხვა დანიშნულების ნივთებს, რომელთა ასაკი ძვ.წ III ათასწლეულსაც კი ითვლის.



გზამკვლევი მუზეუმში დაცული ისტორიული საბუთების კოლექციის და ბიბლიოთეკის, ფოტოგრაფიის ფონდის, სახვითი ხელოვნების კოლექციის გაცნობასაც სთავაზობს მკითხველს. იურიდიული და სოციალური ხასიათის საბუთები, ხაშურის მატერიალური კულტურის ძეგლები, რეგულაციური წარსულის, განათლების, რკინიგზის ისტორიის შესახებ მასალები, წარმოდგენილი წერილებით და ფოტომასალით. აქვე ნახავთ დოკუმენტურ კოლექციებს შინმო-უსვლელთა მასალებს სახალხო თეატრის დაარსების შესახებ, პერიოდული პრესის მიხედვით მომზადებულ ბიბლიოგრაფიულ კრებულებს. ფოტოგრაფიის ფონდი უამრავი ცნობილი ფოტოხელოვანის ცნობილი და უცნობი ფოტოსურათებითაა წარმოდგენილი. გზამკვლევი ასევე ნახავთ სახვითი ხელოვნების ნიმუშებს, რელიგიური შინაარსის ტილოებს, ხატების ასლებს, ავტოპორტრეტებს, ცნობილი მხატვრების ნამუშევრებს.

როგორც უკვე აღვნიშნე, გზამკვლევი ქვიშხეთის დიმიტრი ყიფიანის სახლ-მუზეუმსაც აერთიანებს. თხრობა დიმიტრი ყიფიანის ცხოვრების, მისი მოღვაწეობის, დედას შესახებ მიმდინარეობს, წარმოდგენილია ფოტო მასალები, სახლმუზეუმში არსებული საყოფაცხოვრებო ნივთების, რომელსაც დღეს კულტურულ-ისტორიული დანიშნულება აქვს.

ბოლო ნაწილი, უკრაინელი პოეტი ქალის, ლესია უკრაინკას მუზეუმს ეთმობა, აქ დაცული მისი ლიტერატურული თუ ცხოვრების ამსახველი ფოტომასალით.

გზამკვლევი მიმართულებას აძლევს ხაშურზე დაინტერესებულ ადამიანებს, ხაშურის კულტურული ფასეულობების და ძეგლების შესახებ, თუ რისი ნახვა შეუძლიათ, ახსენებს და აცნობს ისტორიას მათი მშობლიური რაიონის მნიშვნელობის შესახებ და ექსპონატები, რომელიც მრავალი საერთაშორისო გამოფენის მონაწილეა, ელის ქართველ, ხაშურელ დამოუკიდებელს.

თ. ჯავახიშვილი

როგორ ვხვდებით ახალ საკურორტო სეზონს? წელიწადის ოთხი დრო ხაშურში

გადმოვიხედავთ ხაშურისთვის კოდისწყაროს ტბიდან ან ღორინამკლიდან, ანდა სულაც ზემო სერიდან/ თუ გადმოვიხედავთ, აუცილებლად გულს გაგვიხარებდათ სიმწვანეში ჩაფლული ხაშური, მშობლიური ქალაქის მხარგამდილობა, მისი წითელი აგურით ნაშენი კოხტა სახლების გრძელი მწკრივები, ვერცხლისფერი სახურავებით ცას რომ აქათქათებს.



ქალაქი წელიწადის ოთხივე დროს სულ სხვადასხვაანაირი ხიბლისაა. თუმცა, ბოლო წლებში, მდგომარეობა საგრძნობლად შეიცვალა. უფრო თბილი და უთოვლოა ზამთარი, გაზაფხული და ზაფხული ღამის ერთნაირია, შემოდგომაზეც ნირი იცვალა, მაგრამ, ძირითადად, ოთხივე დრო, ჩვენს ზონაში მაინც მკვეთრად გამოკვეთილია და თავისი ხიბლი აქვს. ხაშური გაზაფხულზე მწვანე ზღვაში მოდრეიფე გემს ჰგავს.

ზაფხულში სიცხის აღმური ასდის, სიცხისგან შეჭირვებული ნარგავთა საცოდავად შრილატებენ და შეგლას, წყალს ითხოვს. ამ დროს ქალაქი თითქმის დაცლილია, მოსახლეობა გარიდებულია ქალაქს, მასზე ზრუნვა და ზედამხედველობა მთლიანად ქალაქის შესაბამისი სამსახურის ხელშია. ამ დროს ქალაქს მხსნელად ევლინება „თერხვი“ და ღორინამკლიდან გადმოვარდნილი ნიაქი, რომლებიც ქალაქში დანთებულ სივსეს, პაერის მხურვალე ნაკადებს სულ ზევით-ზევით უღრუბლო ცისკენ მიაქანებენ. მზის გადახრისთანავე ქალაქის სიკრილე აფხიზლებს, თავისუფლად სუნთქავენ მწვანე ხეივნები, ფანატურები, ვენახის ტალავრები.



შემოდგომა კი ოქროსფერში ახვევს მის შემოგარენს.. შევეითლებული ფოთოლთა ქარავანი შემოდგომის მობრძანებაზე მიგვანიშნებს. ხაშურის შემოდგომის აურა საოცრად სასიამოვნოა. ზამთარში ქალაქი თოვლის გედივით ზის თოვლის ოკეანეში.

საკვამურებიდან ამონაბოლქვი ცისფერი კვამლის მაღალი სვეტები ბოძებდა შედგომიან

ქალაქის ზევას. შემოდგომაზე გაპარცული მწვანე ნარგავთა ყინულის ღოღოებით არის დახუნძლული და მზის მიმქრალი სხივებით გაცისკროვნებული ათასფრად ბრდღვიალებს. ამ დროს ქალაქი საპატარძლოდ მორთულ ქალბატონს ჰგავს.



სინამდვილეში, როგორია ჩვენი ქალაქის მწვანე ფილტვები, ვანგაბადის აუზები, ე.წ. „მწვანე გვირაბები“ (ძირითადი მაგისტრალის გახვწვით). ვფიქრობთ, არც თუ ურიგო, მაგრამ იგი ძირითადად კერძო სექტორში გაშენებული ხეხილის ბაღების, ხეივანების, ვენახის ტალავრების, ფანატურების შედეგია. ასე, რომ ჩვენი ქალაქის ქუჩების ნაწილი გაუმწვანებელია, ხოლო ბორდიერების უმრავლესობა ცარიელი, რაც ქალაქს სიღამაზესა და შნოს არ მატებს. თუმცა ქალაქში ყველა ბუნებრივი პირობა ვეჭონდეს საუკეთესო გამწვანება. ერთი სიტყვით, ქალაქის გამწვანების საკითხი ბუნებრივად დადგა დღის წესრიგში და ამას რაიონის ხელმძღვანელობის მყისიერი რეაგირება მოჰყვა. შეიქმნა ააიპი „სავანე“. „სავანეს“ სათავეში ჩაუყენეს უნარიანი და პატრიოტი ახალგაზრდა კაცი შოთა კობაძე, მან კი უახლოეს თანამებრძოლებთან, ემზარ ბუაქესთან, ვაჟა ძანაშვილთან და სწავლულ აგრონომ ვახილ ხანიძესთან ერთად ჩამოაყალიბა პატარა, მაგრამ შრომისუნარიანი მუშათა ჯგუფი, რომლებიც თავდაუზოგავად საქმიანობენ შრომის ყველა უბანზე. ესენი არიან: ომარ ლაცაბიძე, ზურა ლომიძე, გიორგი სულაძე, გელა ჯახველაძე, ზვიად ტაბატაძე, დედა-შვილი მარინა და თონა ბარბაქაძეები, მამა-შვილი მძღოლები ნოდარ და კობა იმერლიშვილები. ამ პატარა კოლექტივს დიდი და საპატიო მისია აკისრია. მათ შორის უპირველესია ზრუნვა ქალაქის მწვანე ნარგავობაზე, ქალაქის მწვანე სამოსელის განვითარებაზე; მათვე ევალებათ ქალაქის და სურამის სასაფლაოების მოვლა-პატრონობა; ხაშურში და სურამში განთავსებულ კულტურულ-სპორტულ და საბავშვო ნაკებობათა მეთვალყურეობა-დაცვა; ქალაქის და მისი შემოგარენიდან მაწანწალა ძაღლებისაგან გაწმენდა. „სავანეში“ ამ მიმართებით წელს ხელშესახები ღონისძიებები განახორციელა. შემოტანილი იქნა და დაიბრუნა გარკვეული რაოდენობის ხე-მცენარეები. კერძოდ, ხაშურის კულტურისა და დასვენების პარკში 40 ძირი სოჭი, 7 ძირი არყის ხე და ა.შ. პროგრამის „დანერგე შენი მომავალი“ ფარგლებში შემოტანილი იქნა 500 ძირი სხვადასხვა ჯიშის ნერგი, რომელთა ნაწილი გადაეცა სასოფლო თემებს, ნაწილი განთავსდა „სავანეში“ სანერგეში, როგორც რეზერვი მომავალი წლებისათვის. ეს ნერგები აქ დაიზრდებიან, შეეგუებიან

„სალხინოს“ ვარსკვლავი სურამში

ცხოვრება მართლაც რომ საინტერესო მოვლენებითაა სავსე. თაობები იცვლებიან, იცვლება ეპოქა, ვიცვლებით ჩვენც... ოღონდ ეგაა, ერთ დროს მიღებული, ძალიან დიდი სიყვარულით მიღებული შთაბეჭდილებები არ იცვლება.

ემოცია, რომელიც არის შენი, ემოცია რომელიც არის პირველი, ემოცია რაშიც შენი სულის გამოძახილია, განუმეორებელია.

ყველაფერი კი ასე დაიწყო: „ტკბილმშობლიურ სიმღერებზე დავდებ“... მღეროდა ორი განუყრელი მეგობარი, ცხოვრობდნენ ამ წესით და ამ



ჰანგებთან ერთად შეიყვარა ისინი ჩვენმა პატარა კუთხეში: მორის ჩარექოვი და რობერტ აკოფოვი... შემდეგ მათ რიგებს შეუერთდა სიმღერაზე უსახდროდ შეყვარებული ახალგაზრდები: კოტე გოგოლაძე, სოსო ბასილაშვილი, ანზორ გრიგალაშვილი, სოსო მაღალაშვილი, გურამ მახარაშვილი, დოდო ბასილიძე, გივი ჯანაშვილი, ზურაბ ლაცაბიძე... შეიკრიბა ახალგაზრდობა და ანსამბლს „სალხინო“ დაარქვეს.

ამ ანსამბლში თითქოს ერთად განთავსდა იმ ეპოქის სუნთქვა, მაშინდელი რეჟიმიდან ერთგვარად გამოქცეული თავისებური რომანტიკა, ქვეტექსტებში



ჩადებული თავისუფლების ფარული ლტოლვა თუ სიმღერად თქმული სიყვარულ(ებ)ის საგა. და ეს ყველაფერი ერთად ისე სწრაფად შემოვარდა სურამის ცხოვრებაში, რომ ანსამბლი პირველივე დღიდან იქცა სურამის ერთიანი სხეულის ნაწილად, ხოლო სურამი ერთგვარად თვითონ გახდა „სალხინო“.

პირველივე კონცერტი და საოცარი წარმატება, რომელიც სადღაც ზესიქართ გასცდა სურამის, რაიონის ფარგლებს, გასცდა იმ დონეზე, რომ

მაშინდელ საქართველოში ოფიციალურად აღიარებული, კარგად დაფინანსებული სახელმწიფო ანსამბლების ტრიო უცებ იქცა კვარტეტად. თვითონ განსაჯეთ... იმ წლებში იყო ბევრი პატარა და უსახელო ანსამბლი,

მაგრამ ისეთი, რომელსაც იცნობდა მთელი საქართველო გახლდათ ოთხი: „ორერა“, „რერო“, „დიელო“ და „სალხინო“. 50 წელი გავიდა მას შემდეგ... როგორ უცებ გაფრინდნენ წლები, ქვეყანა აბსოლუტურად განსხვავებულ



პოლიტიკურ სიტუაციაში აღმოჩნდა. საქართველომ, იმ წლებისგან განსხვავებით, დამოუკიდებელი არსებობა დაიწყო ყოველგვარი „უფროსი ძმის“ გარეშე. თაობები შეიცვალა და მაინც არ შეცვლილა ის სიყვარული, რაც სურამს „სალხინოსთან“ აკავშირებდა. ამის მაგალითი იყო ის ვარსკვლავი, რომელიც ერთგვარად სულ ერთ სურამში, რომელიც სულ ბრწყინავდა და რომელიც 14 ივნისს მხოლოდ „უიზიკურად“ დადასტურდა. მუნიციპალიტეტის ხელმძღვანელები, რაიონის ინტელიგენცია, სურამის



საზოგადოება, მელომანები – მრავალრიცხოვანი აუდიტორია სიყვარულით შეეგება სურამის კულტურის ცენტრში „სალხინოს“. იყო მილოცვები, მოგონებები, იყო ის სიმღერები, რომლებიც დღესაც რჩება „სალხინოს“ სიმღერებად.

მუნიციპალიტეტის გამგეობამ, კულტურის სამსახურმა, სურამის საზოგადოებამ, ყველაფერი გააკეთეს, რომ ერთი ღამეში დღე ეჩუქებინათ „სალხინოსათვის“, ეთქვათ მადლობა მათი ნაღვაწისთვის.

ვარსკვლავი კი, რომელის სურამის კულტურის ცენტრში აინთო, მუდამ იკიაფებს, როგორც სიმღერით ნათქვამი სიყვარულის სიმბოლო.

როგორ ვხვდებით ახალ საკურორტო სეზონს?

რასაც გავაკეთებთ, მოვუაროთ, დავიცვათ! (დასასრული)

ჩვენს პირობებს და შემდგომ მოხდება მათი გადანაწილება. ააიპ „სავანეს“ კოლექტივის ძალისხმევით ამუშავდა ცენტრალური შადრევანი, მისი ხელი დაეტოვა სხვა მსგავს ნაგებობებსაც, უყურებდნენ ადარ არის მიტოვებული ის სპორტული, კულტურული და საბავშვო მოედნები, რომლებიც უკლანასკნელ წლებში აიგო ქალაქში, დაბაში და რომლებზეც ათასობით ღარი საბიუჯეტო თანხა დახარჯული. ამდენად ამ ობიექტების დაცვა-შენახვა დიდად საჭირო და მნიშვნელოვანი საკმეა. „სავანეს“ თანამშრომელთა ხელი ნამდვილად დაეტოვა ამ ობიექტებს. ქალაქის ქუჩებს მოშორდა ასზე მეტი მაწანწაღა ძაღლი, შემოიღობა და კეთილმოეწყო სასაფლაოები და მათი შემოგარენი, რაც მოსახლეობის სამართლიან კმაყოფილებას იწვევს. აქვე უნდა დავასახელოთ ის ოთხი დიასახლისი-დამლაგებელი, რომლებიც ყოველდღიურად უელიან და ასუფთავებენ ქალაქის სკვერებს: ლია შამათავა, ნანი კუბლაშვილი, თამარ ულუმბელაშვილი, მარინა ტაბატაძე.

ამ დღეებში „სავანეში“ მხარეთმცოდნეობის მუზეუმის წინ მდებარე სკვერის კეთილმოწყობა დაიწყო. შეიცვალა რკინის მოაჯირი. ბორდიურებში დაიგება მწვანე ბელტის საფარი, რაც კიდევ უფრო გააღამაზებს და მიმზიდველს გახდის მუზეუმის მისასვლელს.

ცალკე საკითხია სურამში არსებული მდგომარეობა. საკურორტო სეზონი უკვე დაიწყო. ამ მიმართებით გარკვეული ღონისძიება განხორციელდა სურამში. ახალი საკურორტო და ტურისტული სეზონი ახლოვდება, რომელსაც ღირსეულად და ყოველმხრივ

მომზადებული უნდა შევხვდეთ. ამ საქმეში თავიანთი სიტყვა უნდა თქვან „საშურსერვისმა“ და „სავანემ“. გვჯერა, ეს ასეც იქნება. ჩვენ კი ისღა დავგრძენია, ამ კოლექტივებს, მათ ხელმძღვანელებს წარმატებები ვუსურვოთ იმ ამოცანების წარმატებით გადაწყვეტის საქმეში, რომელიც მათ წინაშე დასასული.

ამასთან, უნდა აღინიშნოს ის მდგომარეობა, რაც დღესდღეობით შექმნილია სურამის რკინიგზის სადგურის ყოფილი შენობის ირგვლივ და ტრავმატოლოგიური საავადმყოფოს შენობაში. ორივე შენობა დარბეულია, გაძარცვულია და გადაქცეულია ანტისანიტარიის კერად. ერთი სიტყვით, იქაურობას მეპატრონის ხელი (თუ პატრონი ჰყავს) არ ეტყობა. უფრო მეტიც, დაუნდობელი



და გაბოროტებული მტრის ნამოქმედარს ჰგავს. შედარებით უკეთესი მდგომარეობაა იქვე განთავსებულ კულტურულ-სპორტულ და საბავშვო მოედნებზე. მათ მზრუნველი ხელი ეტყობა. ამ საქმეს უმძღვება და აკონტროლებს ააიპ „სავანეს“ ხელმძღვანელი ვახსილ დამბაშიძე. ისინი მოვლილია და დაცულია. აქვე მინდა აღვნიშნო, რომ ადგილობრივი მოსახლეობა პირუტყვს უმეფავლურად უშვებს, რის შედეგადაც ნაღვურდება ძვირადღირებული სპორტულ ნაგებობათა ხელოვნური საფარი, ინფრასტრუქტურა.

რ. სავანელი

პროექტი „კინო სკოლაში“, ქართული კინოს გადასარჩენად!

ჩემი მშობლების თაობის მიტირებებს ძველ, კარგ, ბუნებრივ დროზე, როცა „კაპიკები“ ღირდა სულიერიც და ფიზიკური სიამოვნებაც, როცა მოსკოვიც, თვითმფრინავის ერთი ფრთის გაწვევნაზე იყო და ქალაქსაც „კრანაია მასკვა“-ს სუნი ასდიოდა, როცა კინოში „1 მანეთად“ რამდენიმე გოგოს, ქართულად, ვაჟაკურად პატივებდნენ, დღესაც არ დაუკარგავს გრძობათა „სიწრფელე“. ჩემი მშობლების რა, ჩემს თაობასაც კარგად გვახსოვს, ქალაქის კოლოფებში გახვეული ტბილეულობა და სოფლის კლუბებში, მაგდანასა და მისი ოჯახის ტკივილის ყურებისას, ბავშვური შურისძიებით ავსებული პატარა გულები, მსახიობებზე შეყვარებული გოგონებით გადავსებული კლუბები, აქვე დაწვეული და ოჯახებით დამთავრებული სასიყვარულო ურთიერთობები. სამსახურიდან დაბრუნებული მოსახლეობა, ოჯახებიდან მიდიოდა კინოთეატრებში-ეს იყო ერთგვარი კულტურა, განსაკუთრებული და მოკიდებულ უღებზე კინოსადმი. ცენზურის მიუხედავად, იქმნებოდა კინოშედეგები, „იქმნებოდნენ“ დიდი მსახიობები. მერე სოციალურ-პოლიტიკურ-ეკონომიკური ძვრები მოხდა, მერე კინომ აუღიო კასეტებზე გადაინაცვლა და მერე ადამიანები დაშორდნენ კინოს-დაიკარგა კულტურაც. როცა არჩევანი სულიერ სიამოვნებასა და სასიცოცხლოდ მნიშვნელოვანს შორის დადგა, ჩვენ ეს უკანასკნელი ავირჩიეთ-წმინდა ფიზიოლოგიაა ადამიანის! მას შემდეგ უმოქმედობის ორი ათეული წელი გავიდა, ეს დიდი დროა ისეთი პატარა და ამავე დროს ისეთი დიდი კინოსტრიის ქვეყნისთვის, როგორც საქართველოა. ჩვენ ჩვენი ისტორია შევქმენით კინოში. მაგრამ გაგრძელებაა საჭირო, მომავალზე

გათვალა საჭირო...! ქართული კინოს დღევანდელ ანგარიშზე, რამდენიმე მაღალი დონის ნამუშევარია, რომელთა აღიარება გასცდა ქვეყნის საზღვრებს, თუმცა, ორათეულწლიანმა სოციალურმა ფონმა თავისებურად იმუშავა, კინოს დააკარგვინა მაყურებელი. მთავარ პრობლემად, სახელმწიფოს მხრიდან საკმარისი ფინანსური რესურსების მოუძიებლობა და კინოს კულტურის გაქრობა იქცა. პრობლემის არსებობა არ ნიშნავს შეგუებას და მასთან ერთად თანაცხოვრებას. სწორედ ამ მიზანს ემსახურება ერთგული კინოცენტრის პროექტი „კინო სკოლაში“. რომელიც შერჩეულ ასაკობრივ ჯგუფებზე გათვლილი და მისი მიზანი მოხარდ თაობაში კინოხელოვნების პოპულარიზაცია, ესთეტიკური უნარების განვითარება და კინოს სფეროში ცნობიერების ამაღლებაა. პროექტი განათლების სამინისტროს ხელშეწყობით ხორციელდება, რომელიც უზრუნველყოფს სკოლებთან კომუნიკაციას. პროექტი 17 მარტიდან მიმდინარეობს 3 თვის მანძილზე, მასში საქართველოს ხუთი რეგიონის 40 სკოლა იღებს მონაწილეობას. ახალგაზრდა რეჟისორები, ე.წ. მისიონერები (ავტ. ნანა ჯანელიძე), კვირაში ერთი დღე მოსწავლეებს ახვეწებდნენ ქართული და მსოფლიო კინემატოგრაფიის კლასიკურ ნიმუშებს, რომლის შერჩევაშიც ჩართულნი იყვნენ ფსიქოლოგები, კინომცოდნეები, განათლების ექსპერტები. კინოხელოვნების შემდეგ, კლასებში იმართებოდა დისკუსია ფილმის გარშემო. სამომავლოდ კი პროექტის ფარგლებში მოსწავლე-

ეთათვის დაგეგმილია ცოცხალ კინოპროექტში ჩართვა-კინოსცენარებზე მუშაობა და მოკლემეტრაჟიანი ფილმების გადაღება. პროექტში მონაწილეობის შესაძლებლობა წელს ხაშურის რამდენიმე სკოლასაც ჰქონდა: ქინძათის, ნაბახტევის, გომის, ცხრაძუხის და

(ქვიშეთში გატარებული საბავშვო არდადეგების გამო) და ბავშვებთან კითხვა-პასუხის რეჟიმში, ისაუბრა გადაღების პროცესზე, მსახიობებზე, რეჟისურაზე, პროექტის მნიშვნელობაზე. კინემატოგრაფიაში არსებულ პრობლემებზე, მათი მოგვარების გზებზე.



ხაშურის №7 საჯარო სკოლების მოსწავლეებმა 13 ივნისს, ხაშურის კულტურის სახლის მცირე დარბაზში, ერთგული კინოცენტრის დირექტორს, რეჟისორს, პროექტის იდეის ავტორსა და ორგანიზატორს, ქალბატონ ნანა ჯანელიძეს უმასპინძლეს, ავტობიოგრაფიული ფილმით, „ნეტავ აქ თეატრი არის?“ გენიალური მსახიობის, კახი კავსაძისა და ბრწყინვალე რეჟისორის ასევე ბრწყინვალე ტანდემმა და წარმატებულმა „შეხვედრამ“ კინოში, მოსწავლეების აღფრთოვანება გამოიწვია. ფილმის დასრულების შემდეგ, რეჟისორმა აღნიშნა, რომ თავს მშობლიურ გარემოში გრძობდა

რეგიონული კინოთეატრების არარსებობაზე და სამომავლოდ დიდი სურვილი გამოთქვა, ხაშურში გაიმართოს კინოხელოვნების, რომელიც ხელმისაწვდომი იქნება ნებისმიერი სოციალური ფენისთვის. მოსწავლეებმა მადლობა გადაუხადეს ქალბატონ ნანას სტუმრობისათვის და იმ, შესაძლებლობისთვის, რომელიც მათ მიეცათ, ორი თვის განმავლობაში გაცნობოდნენ კინოს ხელოვნებას, მსოფლიო კინო შედეგებს და თბილი ფორტობისთვის, რომელიც მათ ფორტალბომში ერთი ლამაზი დღის ისტორიას შექმნის.

თამარ ჯანელიძე

ფიზიკურ პირთა ქონების გადასახადთან დაკავშირებული საკითხები სერიოზულ გადახედვას მოითხოვს

ახალს არაფერს ვიტყვით, თუ აღვნიშნავთ, რომ გადასახადები სახელმწიფოს არსებობის, სახელმწიფო კი - ნებისმიერი ჩვენგანის ნორმალური ცხოვრების საფუძველია. ამდენად, გადასახადების გადახდა ერთ-ერთი უპირველესი მოქალაქეობრივი მოვალეობაა. ასევე ცნობილი ფაქტია, რომ საგადასახადო სისტემა სხვადასხვა სოციალურ ჯგუფზე არაერთგვაროვან გავლენას ახდენს, რის გამოც მეტად საინტერესოა იმის გარკვევა, თუ რომელ გადასახადს რა წილი უნდა ეკავოს სახელმწიფო ბიუჯეტში. საგადასახადო სისტემის მოწოდების და მართვის პოლიტიკის უკიდურესი სირთულის გამო, ჩვენ არ გვაქვს პრეტენზია ამ საკითხზე ერთმნიშვნელოვანი დასკვნის გაკეთების შესახებ, მაგრამ გაგვიჩნია ერთი საინტერესო მოსაზრება.

საქართველოს ბიუჯეტში ფიზიკურ პირთა ქონების გადასახადისგან შემოსავლები (იგულისხმება არაეკონომიკური საქმიანობისთვის გამოყენებული ქონება) არ ფიქსირდება, როდესაც იგი ბიუჯეტის შევსების ერთ-ერთი მნიშვნელოვანი წყარო უნდა იყოს. ამის მიზეზად შეიძლება რამდენიმე ფაქტორის დასახელება:

- 1) ქონების გადასახადის განაკვეთის განსაზღვრისას სახელმწიფოები ითვალისწინებენ სოციალურ ფაქტორს, რის გამოც დაბალი განაკვეთები დაწესებული;
 - 2) ქონების გადასახადის ადმინისტრირების დიდი დანახარჯების გამო, სახელმწიფოები, არსებული განაკვეთების პირობებშიც კი, ამ გადასახადის ამოსაღებად განსაკუთრებულ ძალისხმევას არ იჩენენ;
- არსებული მდგომარეობა მაგალითად საშემოსავლო გადასახადის გადასახდელებში (თუნდაც ჩემშიც) პროტესტის გრძობას იწვევს, რასაც ობიექტური საფუძველიც აქვს შემდეგი ფაქტორის გამო:
- საშემოსავლო გადასახადის დაწესება, უპირველეს ყოვლისა, იმითაა გამართლებული, რომ გადასახადის გადახდელის მიერ შემოსავლის მისაღებად სახელმწიფოს დახმარება აუცილებელია, რაც ქვეყნის უსაფრთხოების დაცვაში, კრიმინალის აღაგმვაში, კანონმდებლობის შექმნასა და რიგ საკითხებში გამოიხატება, რისთვისაც შესაბამისი ფინანსური უზრუნველყოფა საჭირო და ამ გადასახადის გადახდა უნდა განვიხილოთ როგორც სახელმწიფოს „მომსახურების“ ანაზღაურება. ცნობილია, რომ სახელმწიფო თავისი ფუნქციების განხორციელებისას, უმთავრესად, საკუთრების დაცვას და სათანადო კანონმდებლობის მიღებას მიიჩნევს, რითაც დაცული იქნება მესაკუთრეთა ინტერესები. ამდენად, ქონების გადასახადის დაწესების

აუცილებლობის მტკიცება, სახელმწიფოს მიერ ქონების საკუთრების დაცვის ფუნქციის ფინანსური უზრუნველყოფისათვის ისევე წარმატებით შეგვიძლია, როგორც საშემოსავლო გადასახადის შემთხვევაში.

მსჯელობის სიმარტივისთვის მოვიტანთ მაგალითს, რომელშიც მოცემულია 2 პიროვნება. პირველი, თავისი უნარის წყალობით, დიდ შემოსავალს იღებს და განხილული დროის მონაკვეთში მისი ქონება მცირეა, ხოლო მეორე ფლობს სოლიდურ პირად ქონებას (რომელიც მემკვიდრეობით ან სულაც საეჭვო გზებით მიიღო) და განხილული დროისათვის მინიმალურ შემოსავალს იღებს (ან ახერხებს შემოსავლის დამალვას).

საქართველოში დღეისათვის მოქმედი დაბეგვრის მექანიზმით უზრუნველყოფილია მეორე პიროვნების ქონებრივი უპირატესობის შენარჩუნება პირველის ხარჯზე, რადგან სახელმწიფო ქონების საკუთრების უფლების დაცვისათვის რესურსებს უმეტესად პირველი პიროვნების ხარჯზე ქმნის, რითაც იზღუდება მისი შესაძლებლობა მიღებული შემოსავლებით გაიუმჯობესოს ქონებრივი მდგომარეობა.

აღსანიშნავია, რომ მეტად პრობლემურია ამ სარგებლის მიახლოებით განსაზღვრაც კი, რასაც ქონების მფლობელი სახელმწიფოსგან იღებს და ქონების გადასახადის განაკვეთის დაწესების დროს სუბიექტურ მიდგომებს ვერ ავცდებით, თუმცა ეს არ არის მიზეზი, რომლის გამოც უარი უნდა ვთქვათ ქონების გადასახადის არსებობაზე, რამეთუ ანალოგიური პრობლემა საშემოსავლო გადასახადის განაკვეთის დაწესების დროსაც იქმნება.

არანაკლებ მნიშვნელოვანია ის, რომ ქონების გადასახადის ამოღება სახელმწიფოსაგან მეტად ფრთხილ მოქმედებას მოითხოვს, რათა დიდი განაკვეთების დაწესებით გადასახადის გადამხდელს, მოცემულ ქვეყანაში, ქონების ფლობისადმი ინტერესი არ დაეკარგოს და იგი სხვა ქვეყანაში არ შეიძინოს, სადაც, იმავე პერიოდში, შედარებით ნაკლები გადასახადი იქნება.

დასკვნის სახით აღსანიშნავია, რომ აუცილებელია ზემოთ აღნიშნული საკითხების გათვალისწინება და ფიზიკურ პირთა ქონების გადასახადის ამოსაღებად ძალისხმევის გააქტიურება და თანაც:

1. სოციალური საკითხის უკეთ წარმოჩენისათვის ქონების გადასახადის დაბალი განაკვეთების დაწესების ნაცვლად უნდა მოხდეს ქონების დაბეგვრის დიფერენცირებული მექანიზმის ჩამოყალიბება;
2. აღნიშნული გადასახადის გაანგარიშების დროს მხედველობაში უნდა მივიღოთ ქონების საბაზრო ღირებულება.

ლევან პეტრიაშვილი, ეკონომისტი



მეგობრები



თითქოს გაიხსნა გზა უფლისაკენ, მადლით მოსილა ირგვლივ ყოველი, და გაფრენილი გედის ფრთასავით სივრცეში მოჩანს კვირაცხოველი.

საინტერესო საღამო სკოლაში

წრომის საჯარო სკოლას არაერთი წარჩინებული მოსწავლე აღუზრდია. ერთ-ერთი მათგანია გულიკო მიქელაშვილი, ჩვენი სკოლის არც თუ ისე დიდი ხნის კურსდამთავრებული, სამედიცინო უნივერსიტეტის სტუდენტი, რომელმაც ძალიან დიდი შრომისა და მონღომების ფასად მოიპოვა პრეზიდენტის სტიპენდია. ჩვენმა სკოლამ კი გადაწყვიტა გულიკოსთან შეხვედრა და ამ დღეებში კვლავ შევიკრიბეთ ერთად.



მისი სტუმრობა დაემთხვა ბილოგიის კონფერენციას. ჩვენი სკოლის VII-VIII კლასელებმა მოამზადეს ინსცენირება „ორგანიზმი მთლიანობა“. ინსცენირების შემდეგ XI კლასის მოსწავლემ საღამომე სარალიძემ წარადგინა მოხსენება შიდსის შესახებ. მან, მეტი თვალსაჩინოების მიზნით, დამსწრე საზოგადოებას შესთავაზა ვიდეო ფილმი შიდსის ვირუსზე. მოწვეულმა სტუმარმა კიდევ უფრო განავრცო და განმარტა ამ დაავადების არსი და სრულყოფილად მიიტანა მსმენელამდე. გაიმართა კითხვა-პასუხი გულიკოსა და მსმენელს შორის. სტუმარმა ამომწურავად უპასუხა ყველა შეკითხვას. ამის შემდეგ მასწავლებლებმა გაიხსენეს ხალისიანი შემთხვევები გულიკოს მოსწავლეობიდან.

რა თქმა უნდა, გადავიღეთ მრავალი სამახსოვრო ფოტო, ეს შეხვედრა იყო წრომის საჯარო სკოლის კიდევ ერთი საინტერესო, სასიამოვნო და დაუვიწყარი დღე.

საღამომე სარალიძე, წრომის საჯარო სკოლის XI კლასის მოსწავლე

რეზო ჯობაძის ხსოვნას

სამძო-სამეგობროს, რაიონის ინტელიგენციას, სრულიად საქართველოს კიდევ ერთი ღირსეული პიროვნება დააკლდა – გარდაიცვალა კაცი, რომელიც აღსავსე იყო სიკეთით, ადამიანობით, კაცო, რომელსაც უსაზღვროდ უყვარდა ყოველივე ქართული, მშობელი ხალხი. ჩვენს შორის აღარ არის გულანთებული ქართველი ვაჟკაცი რეზო (რევაზ) ჯობაძე, რომელმაც რაიონის საზოგადოებრივ ცხოვრებაში დიდი ღირებულებებით გაიღვლა და საკუთრი სახელი დატოვა.



რეზო იყო საოცრად გულისხმიერი, კეთილი, თბილი და ვაჟკაციური სულის პატრონი. სულიერად და ფიზიკურად გამორჩეული პიროვნება, რომლისთვისაც სურამი სალოცავი იყო, ხაშური კი – საფიცარი.

წავიდა და დაგვიტოვა უსაზღვრო, აუწონელი სევდა-ნაღველი, შესანიშნავი ოჯახი. იგი ის კაცი იყო, რომელსაც ადამიანური და პიროვნული ღირებულება არასდროს დაუკარგავს, უადრესად ურთულეს სიტუაციებშიც კი.

ნათელი და სანთელი მის ხსოვნას, დრო შეუბრალებლად კაფავს სამძო-სამეგობროს ისედაც გამეხხერებულ ტყეს. ამჯერად იმ ტყეში რეზო ჯობაძე წაიქცა, წაიქცა როგორც ბერ-მუხა დაეცემა ხოლმე დიდი ქართველების დროს. ამიტომ მისი წაქცევის ექიმ ელვისისწრაფით გადაუარა რაიონს, სრულიად საქართველოს. და ყველგან ცრემლი და ტკივილი მიიტანა, ალალი იყოს შენი წასვლის გამო დაღვრილი ყოველი ცრემლი, ღვთისნიერო ადამიანო!

მეგობრები

რეზო ჯობაძის ხსოვნას

ძვირფასო რეზო! თავზარდამცემი იყო ჩვენი კოლექტივისათვის სამშაბათი დღე, როდესაც თქვენი ტრაგედია შევიტყუეთ, ვერ ვიჯერებთ, რომ ახალგაზრდა კაცს სიკვდილი უდროოდ მოგეროდა.

ახალგაზრდა ბიჭი მოხვედრი ჩვენს კოლექტივში, შემდეგ იყო უნივერსიტეტი და კვლავ ჩვენთან დაბრუნდი უკვე კოლექტივის ხელმძღვანელის პოსტზე, არ იშურებდი კოლექტივში გაჭირვებული ხალხისთვის ხელის გაწვდომას და დახმარებას. ყოველთვის სარგებლობდი კარგი ავტორიტეტით. სამშობლოს გაუზარდე ორი სასახელო შვილი და უზრდილი შვილიშვილებს.

მსუბუქი იყოს, რეზო, შენს გულზე დაყრილი მშობლიური მიწა, განისვენე იქ, სადაც მართალნი განისვენებენ.

გემშვიდობებით შენი კოლექტივის წევრები.

ს/ს „ხაშურის მინის-ტარა“-ს კოლექტივი

ხაშურის მუნიციპალიტეტის გამგეობის, კულტურის, ახალგაზრდულ საქმეთა და სპორტის სამსახურის თანამშრომლები თანაუგრძნობენ დავით ჯობაძეს მამის

რევაზის გარდაცვალების გამო.

გაზეთ „ხაშურის მოამბის“ რედაქცია იუწყება, რომ გარდაიცვალა ხაშურის მუნიციპალიტეტის ყოფილი გამგებელი

რევაზ ჯობაძე

და თანაუგრძნობს გარდაცვლილის ოჯახს.

ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი გიორგი გოგალაძე.

მისამართი: ხაშური, ტაბიძის ქუჩა №2. ტელეფონი: 24 30 27.

E-mail Khashurismoambe 2015@gmail.com საბანკო რეკვიზიტები: სს „ლიბერთი ბანკის“ ხაშურის ფილიალი, საიდენტიფიკაციო კოდი 443860984, ბანკის კოდი LBRTGE22, ანგარიში GE80LB0115114434590001.

დ-ით მონიშნული სტატია იბეჭდება დაკვეთით

გაზეთი გამოდის სამშაბათობით და იბეჭდება თბილისში. რედაქტორი რობერტ სუხიაშვილი.